

آبونه شرائطی : هریر
ایچون سنه لکی (۲۷۵)
آلتی آیانی (۱۵۰)

نسخه سی ۵ غروشد .
ایکی نسخه برآراده
(۱۰) غروشد
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطرات
آبونه بدلی پشیندر .

مسلكه موافق آثار مع المثنویه
قبول اولنور . درج ایدله بن
یازیلر اعاده اولنماز .

کتابخانه

۱۳۳۰

آدرس تبدیلنده آیریجه
۵ غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونمسی لازمدر

ممالک اجنبیه ایچون آبونه
اولانلرک آدرس لرینک
فرانسه زجه یازلمسی رجا اولنور .

پاره کوندردلیکی زمان نهیه
داثر اولدینی بیلدیرلمسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

بو انقلاب حریت واستقلالک اساسیدر . اولجه ملتک قارشیسندہ حسیاتی تحریک ایدہ جک ، قوتلری ایشلته جک ، اونی همت و فعالیتہ سوق ایدہ جک بر غایہ یوقدی .

بوندن طولایی همتلری عاقل ، قلبلری مایوس ایدی . (هلال) ک دعوتی ملتی اویاندیرمش ، حسیاتی احیا ایتمش ، چراغ امیدنی یاقمش ایدی . (هلال) ک عنوانی «ولانہنو اولاتخزنوا واتم الاعلون ان کنتم مؤمنین» آیت کریمہ سی ایدی . بونک نتیجہ سی اولارق مسلمانلر چوق ایلرله مشلر ، او قدرکہ قرق سندن بری اویانان بت پرستلر بیله فداکارلق واستقلال مجاهدانده اونلری کچہ مامشلردر .

۶ - هندستان مسلمانلری اولجه اسلام مملکتلرینه ، تورکیایہ اهمیت ویرمزلردی . بونلرک اکثریسی طرابلس ضرب ، تونس ، جزائر ، اناتولی ، قافقاسیہ وسائر اقطار اسلامیہ نک اسملری بیله ایشیتما مشلردی . هندستانلیر تورکیایہ روم مملکتی ، وخایفہ مسلمین اولان تورکیا سلطاننہده (سلطان روم) دیرلردی و اوکا دائرہ نیجه نیجه غریب حکایہ لر ، کولونج خرافه لر روایت ایدرلردی . کرچه هندستان مسلمانلری قافقاسیہ حقنہده بر چوق شیلر بیلیرلردی . فقط بو معلوماتہ کوره قافقاسیا قاف مملکتی ایدی . ودنیانک سرحدی ایدی . دیولرله سیاه ، بیاض عفريتلرک مسکنی ایدی ، عالم نوردن دوشن کوزل قادینلرک وطنی ایدی . (هلال) مجموعه سی بوتون بوکي خرافاته سل سيف ایدرک قافقاسیایانک بر اسلام یوردی اولدینگی وانکله علاقه دار اولمق لازم کلدیکنی ایضاح ایله مشدی .

عوام مسلمین بو حقایق ادراک ایتدیکي کوندن بری بو اسلام مملکتلرینه بی پایلن بر مودت طویمنه باشلادیلر .

۷ - مسلمانلر انفراد ومخالفت سیاست سناستندن فراغت ایدرک سائر وطنداشلریله برلشدیلر وسیاست ملیهده عامل اولغه باشلادیلر .

مصر احوالی

انکاتره ایله مصر آره سنده الک حرارتلی مجادله

بر قاج هفته مقدم مصرده ، اولاً حکومتک تعیین ایتدیکي ارباب اختصاصدن اوتوز کیشی احضار ، ثانیاً مصر حکومتیله انکاتره نک مصر فوق العاده قومیستری آره سنده وقوع بولان مناقشات نتیجه سنده تعدیل ایدیلان ، ثالثاً مصر حکومتیله مصر حکمداری آره سنده جریان ایدن مذاکرات وحکمدارک کندی حقوقی تأمین ایتمه سی ایچون وقوع بولان مکرر تعدیلات نتیجه سنده کسب قطعیت ایدن مصر قانون اساسیسی اعلان اولونمشدی . افکار عمومی مصریه قانون

عبودیتدن قورتولارلق حریت بولنه قاتیلمشلر وبو وادیده او درجه ایلرله مشلردی کهنه حکومت ، نهده محافظه کارلر بوجریانہ قارشى طورامامشلر ؛ آرتیق کوکلرده متمکن باطل وبوش برهیته استناد ایدن استبدادک قوتی اضمه حلاله دوچار اولارلق یرینه شهامت وبساله حسلری قائم اولمشدی . بونک اوزرینه ملت غصب اولونان حقلری ایتمه مک ، ایچنده کی خائنلر قارشى مجادله ایتمه مک ، دشمنلر یاردانچیللق ایدن رؤسای تپه له مک باشلامش وبالنتیجه بونلر اراده ملیه یه انقیاددن باشقه برچاره لری اولمادینگی آکلامشلردی .

مملکتک صلاح وسلامته چالیشانلر بیلکلرینک قوتلندیکنی ومملتک کندیلرله برابر یورودیکنی کورونجه بوتون مراکز اجتماعیه وجعیات عمومییه قوتلی برحله ده بولونارلق بونلری آله ایتمشلر وبونلری اشغال ایدن خائنلری طرد وتبعیده موفق اولمشلردی . بو اوغورده الک صوک موفقیت «بوتون هندستان مسلمانلری جمعیق» تسمیه اولونان تشکیلاتک آله ایدلماسیله قازانیلمش ، احرار اسلام حکومتک آله کوربر آلتدن باشقه برشی اولمایان بو جمعیق ده حقیقی بر مؤسسۀ ملیه حاله قویارق قانون اساسیسندن «انکاتره دولته صداقت» عبارہ سی طی ایله یرینه «هندستانک استقلال تامی» عبارہ سی قویمشلردر . بوسورتله بواسلام جمعیتنک قانون اساسیسیله هندستان جمعیق ملیه سنک قانون اساسیسی بر اولمشدر .

۸ - بو حریت جریانیله برابر حق وحقیقت ومنافع مملکت اوغورنده فداکارلق حسلری اویانمش وهرکس ، بالخاصه ، ارباب اقتدار وصلاحت مجاهده میدانلرینه آتیلمشلردر . بوذوات عالیہ میاننده بالخاصه علیکره کلیه سندن نشئت ایدن وعصری برتریه کورن ایکی مشهور برادری ، مولانا محمد علی ایله مولانا شوکت علی بی ذکر ایدہ بیلیرز . اول امرده (قومرہد) غزته سنک مقتدر محرری اولان محمد علی (هلال) . مخالفه ایتمش ایسه ده بالآخره بو مخالفندن واز کچہ رک (هلال) ایله تشریک مساعی ایله مش وعینی وادیده مجاهدانده بولونارلق (هلال) صاحبی مولانا ابوالکلام کبی اوده ، قرده شی ایله برابر توقیف اولونارلق حبس ایدلمشلردی .

وبوتون حرب عمومی دوامنجه محبوس قالمشلردی . حرب عمومینک ختامی امتعاقب تخلیه اولوندقلری زمان هندستانک حرکت حاضر سیله مشغول اولارلق بو حرکتک باشلیجه رؤساسندن اولمشلردی . بوکون بته مولانا محمد علی ایله قرده شی محبوسدرلر . هرایکسی الحق اسلامده ، هندستانده الک مهم بویوک خدماتی ایفا ایتدیلر . ایلك فرصتده بو ایکی قرده شک ترجمه حالی نشر ایدن قارئلرمزی تنویر ایدہ جکیز .

۵ - ملتک احوال روحیه سنده عظیم برانقلاب حاصل اولورکه ،

مصرک الیٰک تھملا سوز موسیٰ اولان بویاز انتخابات فعالیتلرینک حرارتیلہ برقات دھا کسب شدت ایتدی . فقط صیجاغہ فلان باقیہ رق مصر لیلر انتخابات فعالیتنی خبرلی ومشر بر نتیجہ یہ کوتورمک ایچون الدن کلدیکی قدر چالیشیورلر . بناء علیہ بر ایکی آی طرفندہ انتخابات ختام بولارق مصر مجلس ملیسی طویلانه جقدر .

انتخاباتدہ کیملر قازاناجق مسئلہ سی مصر دہ موضوع بحث دکلدر . چونکہ حال حاضر دہ اہمیتی حائر فرق سیاسیہ ایچندہ انکلتزہ طرفندن مصر استقلالہ اساس اولہرق اعلان اولونان شرائطی قبول ایدن برتک فرقہ یوقدر . سعد زغلول باشا حضرتلرینک طرفدارانی دہ ، عدل باشانک طرفدارانی دہ بواساسانہ کلیاً عاہدار بولونمقدہ درلر . مصر دہ کی تشکیلات سیاسیہ بو شرائطی رد ایتمکدہ متحددر . مجلس ملی اعضالغہ انتخاب اولوناجق ذواتک دہ کاملاً بوقاعتدہ اولہ جقلرنده هیچ شبہ یوقدر . بویلہ بر مجلس ملینک اعتمادنی حائر اولان بر حکومت دہ البتہ عینی فکر وقعاتی بسلہ یہ جک وانکلتز شرائط معلومہ سی رد ایدہ جقدر .

ایشتہ او زمان رضیت ایچندن چیقلماز بر حالہ کیرمش اولویور . بر طرفندہ بوتون مصر بلا قید و شرط استقلالہ - صاحب اولدیفنی وآنجق بو اساس اوزرہ انکلتزہ ایلہ مذاکرانہ کیریشہ جکفی بیان ، اوتہ طرفندن انکلتزہ مصری اشغال ایتمکدہ اولان قوۂ عسکریہ سسنہ استناداً بو اجماع ملی ایلہ مجادلہ ایدہ جک ، حق حیات وحق استقلالنی ایستہین بر ملتی زنجیرلہ مک ایچون ہر شیشی یاہ جق و بوتون دنیا حق ایلہ ظلمک بو مجادلہ سی تماشایلیہ جقدر .

انکلتز مطبوعاتی بووضعیت مستقبلہ دن بخیر دکلدر . بالعکس بر جوق انکلتز غزتہ لری بووضعیتی بوتون دقائقلہ تحلیل ونہ یاسیلہ جفنی شیمدین دریش ایدیورلر .

(مورنینغ پوسٹ) غزتہ سی : «مصر پارلامانتوسی طرفندن انکلتزہ نک شرائطی رد اولوناجق اولورسہ مصر دہ او شرائط دائرہ سندہ استقلال بخش ایدن بیاننامہ فی الغادن باشقہ برچارہ یوقدر . دیورکہ بونک معناسی مصر دہ انکلتز حمایتہ سنک تأسیسی ، قانون اساسینک الغاسی وپارلامانتونک الغاسیلہ ادارہ مطلقہ نک اعادہ تأسییدر .

انکلتز غزتہ لرینک بو کی تہدیداتنہ مصر غزتہ لری جواب ویرمکدہ درلر . (الاخبار) رفیقز ۱۵ مایس تاریخی نسخہ سندہ دیورکہ :

«انکلتز غزتہ لرینک بو کی تہدیداتی مصر دہ کی وضعیتی ، مصر لیلرک احوال روحیہ سی هیچ بیلمہ دکارنی افادہ ایدر . (دہ یلی تلفراف) غزتہ سی دہ او قانون اساسینک اعلان اولوندینی صرہ لردہ دیمشدی کہ : «قانون اساسی اوزرندہ حاصل اولان ائتلافی متعاقب مصر دہ وقوع

اساسینک بویلہ الدن الہ طولاشہرق ، ہرطرفندن برطاقم ضربہ لہ اوغرایہرق دکل ، طوغریدن طوغری یہ ، بواشی درعہ دہ ایدہ جک ، ارادہ ملیہ نی ، احتیاجات ملیہ نی تحقق ایتدیورہ جک برہیت مؤسسان طرفندن وضع اولونما نی ارزو ایدیوردی . طیبی افکار عمومیہ نک بو ارزوس نظر اعتبارہ آلینمادی . وبناء علیہ قانون اساسی مصر لیلرک ایستہدیکی کی دکل ، زمامداران امورک ، غاصبرک وضع ایتدکلری شکلدہ اعلان اولوندی .

قانون اساسینک اعلانی کی بر حادثہ ہریردہ مہم ومعظم بر حادثہ تاریخیہ اولارق قارشیلاندینی حالہ ہرنہ دن سہ مصر دہ بو حادثہ مہمہ هیچ برفوق العادہ لک ایلہ قارشیلانمادی . بودہ بو حادثہ نک بر کرہ یک کج وقوع بولماسندن ، صوکرہ بر اثر ملی اولقندن اوزاق بولونماسندن ایلری کلکدہ در .

حقیقۃً بو حادثہ مصر دہ یک کج وقوع بولدی . مصر دہ ادارہ مطلقہ نی ادامہ ایتدیورمک ایچون جبری تضییق لہ استناداً مملکتک سویہ سی ، ملتک احتیاجاتی وقتندہ نظر اعتبارہ النما دی . مصر لیلر ، مملکتلرنده بر انقلاب انارینک وقوعہ چالیشدکلری ، حاکمیت ملیہ نک تأسیسنہ اوغراشدکلری و بو اوغور دہ ہر فداکارلنی اختیار ایتدکلری صبرہ لردہ بر طرفندن انکلتز اشغالی عسکریسی ، دیگر طرفندن تشبثات ملیہ نی منافع شخصہ لرینہ منافی کورہن عناصر ارادہ ملیہ یہ مقاومت ایدرک وانکلتزہ مجادلہ ایتملر و مصر لیلرک حقنی زور بازو ایلہ غصب ایتمکہ باقشلدی . بناء علیہ بوسفر قانون اساسینک ، ناقص و جتی ارادہ ملیہ یہ منافی بر شکلدہ اعلانی هیچ برہیجان ایلہ قارشیلانمادی . قانون اساسی کچن سہ نک ۲۸ شباطندہ انکلتزہ طرفندن مصرک استقلالہ دائر نشر اولونان بیاننامہ فی تعقیب ایدن ایلک اژدرہ . انکلتزہ بو بیاننامہ سندہ مصرک استقلالنی اوج شرط ایلہ طانیوردی :

۱ — انکلتز ایمپراطورلغک خطوط مواصلاتی تأمین ایتک .

۲ — انکلتزہ نک اجنیلری حمایتہ ایتہ سی قبول ایلہ مک .

۳ — انکلتزہ نک اقلیتلری صیانت ایتہ سی قبول ایلہ مک .

بوقیدلرہ مقید اولان استقلالک اعلاتی متعاقب مصر دہ بر قانون اساسی احضار اولونارق اعلان ایدیہ جک ، انتخابات اجرا اولوناجق ، بر پارلامنتو اجتماع ایدہ جک ، پارلامنتونک اعتمادنی حائر بر حکومت تشکل ایلیہ جک ومتعاقبا برہیت مرخصہ تعین اولونارق انکلتزہ ایلہ اساسات آنفہ دائرہ سندہ بر معاہدہ عقد ایدیہ جک ، بو معاہدہ پارلامنتو طرفندن تصدیق اولونہ جق و بو صورتہ انکلتزہ یہ کورہ مصر مسئلہ سی حل ایدلش اولاجقدر .

فقط اصل الیٰک جتین مسئلہ بورادن جچیور . مصر دہ ای ، کوتو بر قانون اساسی اعلان اولوندی . انتخاباتک اجرانہ باشلانلدی .

« هندستان مسلمانلری خلافت حرکتی اساسات آتییه ابتدا
ایتدیرمشلردر :

۱ - شریعت اسلامییه هر زمان ، تمامیه مستقل ، شوکت
وقدرت ضاحیه ، بالخاصه اراضی مقدسه اسلامییه و جزیره العربیه
محافظهیه مقتدر بر دولت اسلامییه بولونماقی آمردر . بوحکومت
اسلامیهیه لسان شریعتده (خلافت) ده نیلیر ، بودوات یر یوزندهکی
مسلمانلرک مرکز اتحاد واجتماعیدر . شرق و غربدهکی بوتون مسلمانلرک
اوکا اطاعت و معاونت ایتملری واجبدر .

۲ - مقام خلافت عصرلرن بری تورکیادهدر . مسلمانلر اوامری
دینییه ، امتثالاً اوکا یاردیمه ، اونی قورومنه چالیشیرلر .

۳ - اسلام مملکتلری دوچار تجاوز اولور و باخودا و نلرک اسارت
اجنبیهیه دوچار اولماسندن قورقورلورسه شریعت اسلامییه بوتون مسلمانلر
نلرک اونی مدافعه ایتمه سنی و بو وظیفه مدافعهیه الک یاقین اولانلرک
ایضا ایتملری امر ایدر . متفقلرک عثمانلی دولتی تقسیم و سوریه ، عراق ،
آناطولی و تراکیا به هجوم ایتملرینه مبنی هندستان مسلمانلرینک الالرندن
هر کلی یاهرق تورکیایی و ممالک اسلامییهیه محافظه ایتملری اقتضایدر .

۴ - جزیره العرب ، وصیت پیغمبرییه نظراً ، منحصر آمسلمانلرک
ملی ، دنی یوردیدر . شریعت غرایی غیر مسلمانلرک جزیره العربیه اقامتی
منع ایتدیکندن اوراده بر دولت اجنبیهیه نفوذ ، حاکمیت و یارصایت
احراز ایتمه سنی امکان یوقدر . هندستان مسلمانلرینک جزیره العربیه
محافظهیه غیرت ایتملری وظائف دینییه لرندن در .

۵ - بیت مقدس اما کن مقدسه اسلامییه دندر . مسلمانلر بیت
مقدس قورتارمق ایچون متحد آوروپا به قارشی مجادله ایدرک اهل صلیب
محارب لرنلرک بوتون فلاکتلرینه تحمل ایتشلر ، فقط بیت مقدسک
غیر مسلمانلرک اله دوشمه سنی راضی اولماسلردر . بناء علیه یر
یوزندهکی بوتون مسلمانلرک بیت مقدسی قورتلره رق نفوذ اسلامییه
اعاده ایتمه چالیشمالری اقتضا ایتدیکی کی بیت مقدسی صیانت ایچون
بوتون وسائل ممکنیه مراجعت ایتملری لازمدر .

۶ - حریم شریفیه خدمت و امیر حج تعینی محضاً خلیفه مسلمینک
وظیفه سیدر . حجازک استقلال اداریهیی طایفهیه برابر بو خدمت
وامارنک خلیفه مسلمین حضرتلرینک یدنده بولونماسی لازمدر .
متفقلرک تمامیه اسلامی اولان بو مسئلهیه مداخله دن اجتناب ایتملری
وتورکیایی بوحقندن فراغت سوق ایتلملری اقتضا ایدر .

هند خلافت حرکتک اساساتی بونلردر . بو خصوصده هند
مسلمانلرینک مطالبی ده برونجه آتیدر :

۱ - تورکیا ، استقلال سیاسی ، عسکری و اقتصادی هر هانکی
برقید ایلله مقید اولقمسزین حر و مستقل پاشایه جقدر .

بولان مسرتکارانه نمایشلر انکلز بیاننامه سنده کی شرائطک تحققی
نامه خیرلی بر مقدمه در . بوکی سوزلردن آکلاسیلیورکه انکلزلرک
مصر پارلامانتوسندن بکله دکاری اونک انکلز شرائطک تحققه خادم
بر آلت و یاخود استقلالیزی ایچون بر باصامق اولارق قوللانماسیدر .
انکلزلرک « مسرتکارانه نمایشلر » تسمیه ایتدکلی شیلردن بوکی
موهوم نتیجه لری استنتاج ایتملری عیشدر . چونکه اوبله مسرتکارانه
نمایشلرک اصل و اساسی یوقدر . اولان بیتن حکومتک ساکن وصامت
بر احتفال ترتیب ایتمه سندن عبارتدرکه بو احتفاله اشتراک ایدلردن
هیچ بری قانون اساسی نی بر کله ایلله مدح ایدمه مش و ملتک بوندن
نمون اولدیغنی سوبلیه مه مشدر . بالعکس ملت بو قانون اساسی نی عدم
منویت ایلله قارشیلانمش و حاکمیت حرمت ، (سودان) نی محافظه ایتمه
بو قانوندن چوق متأثر اولمشدر . مصر لیلرک انکلز شرائطی قبول
ایده جکفی تخمین ایتک هیچ طوغرو دکلدر . استقلال ملی بی اخلال
ایده جک ، سودانی مصر دن آیره جق ، مصرده انکلز اشغالک
هر هانکی بر شکلی ایضا ایدمه جک هر هانکی بیاننامه و یا استلافنامه
مصر لیلر طرفندن قطعاً قبول اولونماز . آجق (نیل) ک منبعندن
منصبه قدر مصر و سودانک استقلال تامنی ، مصرک بوتون حقوقی
طایسان بر استلافنامه درکه مصر ملتی و پارلامانتوسی طرفندن قبول
اولونا بیلیر . مصر مسئله سنی حل ایچون بوندن باشقه چاره یوقدر .
ملت ، استقلالک تمامیتی مسئله سنده هیچ بر بازارلی قبول ایتمه جکفی
ماضیده ناصل اثبات ایتدیه آتیاده اثبات ایدمه جکدر .

کورولیورکه مصر مسئله سنیک الک حرارتلی صفحه سی پارلامانتونک
اجتماعی تعقیب ایدمه جکدر . او زمان طرفینک یعنی انکلزلرله مصر لیلرک
یک حاد بر مجادله به کیریشه جکلری آشکاردر . بز ، هر حالده مصرلی
دینداشلر مرکز موفقیتی و بو معزز دیار اسلامییه نک حقیقی حریت
و استقلالله قاووشما سنی تمی ایدرز .

هند خلافت حرکتک

اساسات و مطالبی

هند خلافت جمیعتک نامی و مساعیسی مملکتتمزک هان هر طرفده
معروفدر . حقوق ملیه مرکز محافظه سی ایچون تشبثات مهمه ده بولونان
و بوتون دنیایه اخوت اسلامییه نک قوتی ، مسلمانلرک تورکیا به اولان
اعتماد و توجهی کوسترن الک معظم تشکیلات اسلامییه دن بری اولان
بو محترم جمیعتک اساسات و مقاصدینه دائر هندستانده انتشار ایدن
بر مجموعه ده ، (الحامه) رفیق مزده معلومات آتییه مطلع اولدق . نقل
ایدیورز :